

■ GLOSSA

Brand. Visavi ses schef da fracziun.

DA SILVIO CAMENISCH

Jau aveva carti en la partida populara svizra. Sco quai ch'ìls Corleone avevan carti en l'America. La partida populara aveva jau adina considerà sco la suletta vardavla, gist areguard loialità, libertad e democrazia aifer la partida sezza. Al bab dieu il «patron» da la famiglia aveva jau demussà da nà ennà mes respect, submissiun, obedienscha senza «sche» e «ma». Nua è uss il resguard visavi mia paucadad, nua il respect envers mia persuna?

Pertge es vegnì tar mai? Emnas a la lunga è mes num, Brand, vegnì colportà e numnà en las gasettas sco topfavurit per in segund sez per la pps. Ins ha laschà crair la glied da buna fai e sanesters ch'il Brand saja sin segir sin quest ticket da trais, ch'è sa mussà, postum, sco blutta finta! Jau sun stà da bell'entschatta candidat apparent, da chartun! Ils strategs da la fracziun han fatg mo legher cun mai! Quels, tuttina amis da partida, han zappitschà cun ils pes, cun ils pes, mia blera lavur! Mia onur han quels vulnerà vargugnus, quai na poss jau betg scuar sut maisa en.



Jau hai lavurà sco in animal onns a la lunga per la partida e negligì mia famiglia. Mia dunna e mia figlia hai jau laschà vegnir a la curta. Jau sun ì sairas en sairas ora, entiras sondas e dumengias cun mala coscienza ad occurrenz, festas popularas, fieras, inscenaziuns ridiculas. Jau m'hai turpeggià cun noss SVP-Freiheitssong «Wo e Willy isch...» avant las elecziuns, nagut è stà memia penibel per vegnir sin quels 30% «Wähleranteile» e cuntentar almain in zic l'engurdientscha dal patriarc.

Glied simpla u simpla glied m'ha dumandà bleras giadas en tendas da festa per las massas, tge èsi cun tai Heinz? Vas enturn fas si ina tschera sco set displievgia, sco ina vischnanca brischada. E tge hai jau

respundi? Ils figliols, clowns, sonnyboys fan pli giuvens avunda per il gaudi dal vegl! Betg mes stil. Anc sche jau hai mess si egliers nairs da mafioso e chantà noss song da libertad.

Quels da la «Findungskommission» uschenumada han mess sin il ticket da trais gist dus nunelegibels. In tric, ina giada dapli. In adoptà da la Lega dei Ticinesi, absurd. Il sulet elegibel san tuts è figl tratg dal doyen. Quest Aeschi adina topvestgì da bancher ina marionetta dal boss dals boss.

Tge lessas da mai? Nus set crudads ord rangs e tractandas avain stuì dar a protocol da gnanc empruvar cun manevras, u che nus vegnissan disciplinads cun l'exclusiun! Nus lessan gistadad e dretga democrazia. Pretendì da memia da quella partida che recloma adina per ella suveranità e libertad? Jau mez ma tegn vid l'ultimatum. Ma sch'il slam poet e gurent rebel, quel cun la cua-chaval e la bandiera veglia dal «Reichstag» en ses tschaler sa tegna lura... (Scutina al schef da fracziun... e mussa sco dad unscher u tge).